



Crisis Theologica

Cárdenes, Juan de

Sevilla, 1687

Cap. II. An Romanus Pontifex loquens ex Cathedra possit errare in materia
probabili circa mores?

[urn:nbn:de:hbz:466:1-75689](#)

C A P V T II.

*An Romanus Pontifex loquens
ex Cathedra possit errare in
materia probabili circa mo-
res?*

ARTICVLVS I.

*Quid censeant aliqui in hac quæ-
tione; & quomodo in æqui-
voco laborent?*

SVMMARIVM.

Opinio Caramuelis. n.62.

Eius fundamentum. n.63.

Alij Authores eiusdem opinionis. n.64.

*Titulus ipse , quem ponit Caramuel,
quam sophistricam equivocationem
patiatur? n.66.*

*Solvitur Sophisma tituli distinctione
sensus compositi , & diuisi. n. 67. &
seqq.*

*Quomodo formandus sit titulus ad vi-
tandum equivocationem? n.70.*

*Propositio probabilis potest amittere
suam probabilitatem. n.71.*

Etiam intrinsecam. n.72.

*Solvitur fundamentum Caramuelis. n.
73.*

Et eius confirmatio. n.74.

62. *S*vt intelligeretur, ita esse vni-
versaliter verum, Romanam Cathe-
drām esse Regulam infallibilem in
materia morū , vt extenderetur
etiam ad opiniones, quæ aliquo tem-
pore fuerunt, aut reputatae sunt pro-
Caram. bables; nisi Caramuel illud parado-
xum pronunciasset, scilicet : *Non dari*
in mundo visibili authoritatē damnandi
opiniones probabiles. Et hinc colligit,
opiniones probabiles damnatas sive

ab Inquisitione, sive à Romano Pon-
tifice, licet damnatae maneat, quo ad
forum externum ; quo ad internum
tamen manere indemnes, & probabili-
les.

63. Cuius præcipuum fundamen-
tum est. Quia nulla authoritas facere
potest, quod bonū sit malum, & quod
innocens sit reus, & quod lux sit te-
nebra : propositio autem probabilis
bona est, innocens est, & instar lucis
inter tenebras humanae mentis : ergo
nulla authoritas facere potest, quod
opinio probabilis sit improbabilis,
aut damnable.

Confirmatur. Si innocens damne-
tur vt reus, licet in foro externo ma-
neat noxiū , in foro tamen interno
innocens permanet : ergo similiter si
opinio probabilis damnetur vt im-
probabilis, in foro externo reputabi-
tur improbabilis , in interno tamen
suam probabilitatem retinebit.

Prado.

64. Caramueli consentit ex parte
Iohannes Martinez de Prado tom. 2.
cap. 33. in Appendic. contra Caram.
quæst. 2. §. 3. num. 32. afferens , nulla
humana authoritate fieri posse, quod
opinio intrinsece probabilis fiat im-
probabilis; bene tamen si sit ab extrin-
seco dumtaxat probabilis. Eamdem
Caramuelis sententiam vt probabilem
admittit Leander à Murcia lib. 2. dis-
quisit. moral. disp. 4. resol. 25. num. 17.

65. Falsitatem huius opinatio-
nis multis demonstrationibus ostendi-
in 1. part. Cris. Theol. disp. 9. per to-
tam. In cuius cap. 2. proposui senten-
tiam Caramuelis cum omnibus suis
consequentijs, collatis inter se varijs
locis operum eius; & ibi etiam retuli-
sententiam aliorum duorum, afferens
eorum verba formalia. Et cap. 3. co-
rum fundamenta retuli.

66. Et cap. 1. evidenter ostendi-
ipsum titulum scilicet [An detur in
mundo visibili authoritas damnandi
opiniones probabiles?] sophistica
æqui-

æquivocatione scatere. Nihil enim tam evidenter convincitur, quam sophisma, cum manifestantur termini, in quibus latet dolus sophisticus. Ibi ergo circa eiusmodi titulum quæstionis sic discurrebam cap. 1.

67. Ut statim ab exordio quæstionis videas, quantam patiatur æquivocationem sophisticam hic titulus, adverte, eam quæstionem esse similem huic : *An omnipotentia facere possit, quod cæcus videat?* Quæ quidem quæstio duplē sensum habere potest; & sensum compositum, & sensum divisum. Sensus compositus inquirit, an Omnipotentia facere possit, quod cæcitas, sive privatio visionis componatur cum visione. Sensus divisus inquirit, an Omnipotentia facere possit, quod cæcus amittat cæcitatem, & ita videat? Et siquidem à primo sensu arguis ad secundum; & quia non possunt componi cæcitas, & visus, arguis ad improbandum Christi miracula, quibus factum est, ut cæci viderent, sophistice arguis, & sophistica æquivocatione vis certissimam veritatem confundere.

68. Eudem duplē sensum habet titulus huius quæstionis, compositum, & divisum. Cōpositus inquirit, an propositio probabilis, manens probabilis, sit condemnabilis? sive an haec duo possint componi, quod propositio simul sit & probabilis, & condemnabilis? Sensus autem divisus inquirit, an propositio prius probabilis possit, amissa probabilitate, fieri condemnabilis? Sive an propositio probabilis possit amittere probabilitatem, ita ut reddatur condemnabilis?

69. Et quidem implicat contradictionem, quod propositio probabilis in sensu composito sit condemnabilis; quia implicat contradictionem, componi probabilitatem cum damnabilitate. Si autem inde progrederis, & ex hoc, quod propositio probabi-

lis in sensu composito nequit esse condemnabilis, arguis, & infers, non posse Romanum Pontificem damnare illam propositionem, & auferre probabilitatem ab illa, & reddere illam improbabilem, dolose arguis, & sophisticè, si quidem à sensu composito arguis ad divisum. Maximè cum probabilitas propositionis sit perfectio extrinseca, & amissibilis, ut constabit ex cap. 4. Erit que id argumentum simile huic: *Implicat cæcum videre: ergo nulla potestas facere potest, quod cæcus videat.* Sophistice enim procedit, dum assumit antecedens in sensu composito, & consequens in sensu diviso.

70. Titulus ergo ut prudenter, utiliter, & absque æquivocatione proponeatur, sic proponi debuit: *An detur auctoritas condemnandi ut improbabiles eas propositiones, quæ prius erat, vel quæ prius videbantur probabiles?* Vel sic: *An opinio probabilis amittere possit probabilitatem, & reddi improbabilis vi condemnationis Pontificie.* Sic enim vitaretur confusio orta ex æquivocatione sophisticā, proposita quæstione (qualis illa est, & esse debet) in sensu diviso.] Huc usque scripsi in eo cap. 1.

71. Deinde cap. 4. manifeste ostendi, propositionem probabilem posse amittere suam probabilitatem: quod concedit Caramuel eo proposito exemplo, quod tempore S. Augustini erat probabile, nulos in orbe terrarum esse antipodes; cum tamen id iam non sit probabile, quia eorum existentia evidenter constat. Id ergo ostendi ex ipsa definitione opinionis probabilis, de cuius conceptu est niti fundamento gravi, quamvis non certo: sed quæ modo nititur fundamento non certo, procedente tempore potest pro illa, aut contra illam apparere fundamentum evidens; nam argumenta evidencia, quæ modo sunt pro aliqua veritate, non apparuerunt nobis ab initio,

mun.

DISERTATIO I. PROÆMIALIS.

mundi, sed cursu temporis inventa sunt: potest ergo opinio, quæ modo probabilis est, fieri certo vera, aut certo falsa amittens probabilitatem. Deinde quia incertitudo cognitionis tamdiu durat, quamdiu nō appareat argumentum omnino certum: ergo incertitudo opinionis probabilis tamdiu durabit, donec cōtra illā appareat fundamentum certū: si ergo hoc nobis apparat, opinio amittet probabilitē suā.

72. Nec prodest si dicas, loquimur de probabilitate intrinseca, quæ quia intrinseca est opinioni, erit inammissibilis, & inseparabilis ab opinione. Dicitur enim intrinseca, non quia motivum ipsum sit intrinsecum opinioni, aut conclusioni, sed quia desumitur ex natura intrinseca obiecti. Quod autem ipsum motivum non sit intrinsecum conclusioni obiectiva, patet in hoc syllogismo: *Omnis homo est animal, Petrus est homo, ergo Petrus est animal.* Petro enim extrinsecum est, quod omnis homo sit animal, alioqui universa hominum multitudo esset intrinseca Petro. Hæc omnia late tradidi & explicui ea disp. 9. cap. 4.

73. Hinc facile evertitur fundamentum Caramuelis, & aliorum, initio articuli propositum. Distinguimus enim antecedens. Nulla authoritas humana facere potest, quod innocens sit reus, [in sensu composito] concedo; [in sensu diuiso] nego. Nam qui modo innocēs est, quia talis existimatur; facto debito examine potest inveniri reus. Opinio ergo, quæ admittebatur tamquā probabilis ab intrinseco, quia contra illam non apparebat fundamentum certum; postea apparente fundamento certo, transit ab innocentia ad reatum, sive à probabilitate ad improbabilitatem.

74. Ad confirmationem respondeo, si innocens iniuste damnatur propter probationes falsas, in foro externo manere reum, & in foro interno manere

innoxium. Si vero qui reputabatur innocens, factō examine iusto compariatur delicti reus; pro foro interno, & externo manet reus. Idem contingit in opinione probabili: quæ si condemnaretur iniuste, pro foro interno maneret probabilis, & innoxia. Si autem inveniatur principium certum contrā illam, iam fiet noxia, & improbabilis. Quod autem damnatio Cathedræ Romanæ sit principium certum contra assertionem, quæ reputabatur probabilis; ex dictis satis constat, & amplius ex dicendis constabit.

ARTICVLVS II.

Capita probationum, quibus alibi demonstravi, posse Romanum

Pontificem dammare opiniones olim probabiles in materia morum.

SVMMARIVM.

Si Pontifex declarans, propositionem in materia morum esse temerariam, aut scandalosam, non auferret probabilitatem, erraret in materia morū. n. 75.
Romana Cathedra est Regula infallibilis ad decidendas controversias de bonitate & malitia morali, & consequenter de probabilitate. n. 76.

Questiones de probabilitate in materia morum versantur circa bonitatem, & malitiam moralem. n. 77.

Opiniones probabiles possunt reddi improbables, si contra illas appareat principium certum. n. 78. Aliquæ propositiones olim probabiles posse damnatae sunt ab Ecclesia. n. 79.

Affertur in exemplum opinio olim docens, simplicem Sacerdotem posse validè absolvere. n. 80.

Item opinio docēs sufficere contritionem ad communionem Eucharistie. n. 81.

Item opinio, quod obiectum festi Contencionis Deiparae sit sanctificatio eius in secundo instanti. n. 82.

Item opinio de absolutione. Sacramentum in absentia. n. 83.

In

75. In ea relata disp. 9. art. 3. posui hanc primam demonstracionem. Si Romanus Pontifex docens Ecclesiam, afferensque, propositionem in materia morum esse temerariam, scandalosam, aut improbabilem, non auferret illi probabilitatem, Pontifex Romanus docens Ecclesiam erraret in materia morum: sed Pontifex docens Ecclesiam non potest errare in materia morum: ergo in tali casu auferret illi probabilitatem: cuius syllogismi maior, & consequentia sunt evidentes, & minor manifeste constat ex cap. antecedenti. Quam demonstrationem in eo art. 3. relato multis explicui & confirmavi.

76. Secunda demonstratio continetur ibidem art. 4. In Ecclesia datur Regula infallibilis ad decidendas controversias, quæ de bonitate, aut malitia morali humanarum actionum oriuntur in Ecclesia; quæ Regula non est alia, quam Romana Cathedra, ut constat ex cap. præced. ergo si in Ecclesia oritur controversia de probabilitate opinionis circa bonitatem moralem alicuius actionis humanae, ad Romanam Cathedram spectat illam pro alterutra parte decidere. Idque intelligitur, ut mox dicam, ita ut possit eas quæstiones decidere extra definitionem articuli Fidei. Sic enim Leo X. in Concilio Lateranensi sess. 10. definit, montes pietatis esse licitos illis verbis: *Declaramus, & definimus, montes pietatis nec mali specimen preferre, nec ullo pacto improbari.* Et tamen non affirmat Pontifex, se id definire tamquam articulum Fidei. Sic etiam dum Romanus Pontifex approbat Religiones, & affirmat, earum instituta esse conformia Evangelicæ perfectioni, id declarat tamquam omnino certum, & indubitable; non tamen affirmat expressè, eum esse articulum Fidei.

77. Confirmatur. Nam Romana Cathedra est Regula infallibilis in

quæstionibus de Doctrina morum: sed quæstiones de probabilitate circa bonitatem moralem, aut malitiam morum, sunt quæstiones de Doctrina morū: ergo est Regula infallibilis in eiusmodi quæstionibus de probabilitate.

78. Tertia demonstratio est. Nam opiniones ab intrinseco probabiles possunt reddi improbabiles, si contra illas apareat principium certum, quod anteat latebat: sed potest Romanus Pontifex invenire eiusmodi principium certum, ex speciali assistētia Spiritus Sancti Ecclesiae promissa: ergo potest Pontifex eas opiniones reddere improbabiles.

79. Quarta demonstratio est. Aliquæ propositiones fuerunt olim probabiles ante definitiones Pontificum Romanorum, aut Conciliorum Generalium; quæ, accidente examine veritatis, repertæ sunt hereticæ, & à Romanis Pontificibus, aut Conciliis damnatae: ergo non obstat, quod opiniones fuerint probabiles, quominus factò examine veritatis, reddantur damnabiles.

80. Confirmatur primo, quia olim existimabatur probabilis sententia, quæ ait, simplicem Sacerdotem vi sua ordinationis accepisse integrum potestatem absolvendi, quin requiratur aliqua alia iurisdictio ad valide absolvendū à peccatis. Eam enim opinionem propugnarunt Armachanus, Almainus, Durandus, & Crousers, quos retuli ea disp. 9. n. 105. & tamen illa opinio damnata est in Concilio Tridentino, & opposita assertio definita sess. 14. cap. 7. de Sacram. Pænitentia, & canone 11. & ideo sententiam ei opinioni oppositam, esse de Fide, asserunt P. Valencia, P. Vasquez, P. Tannerus, Lug. Card. Petrus de Ochagavia, & Pefantius; et opinionem Armachani esse erroneam, affirmant P. Suarez, & P. Fagundez, & illam esse evidenter adversam Tridentino, asserunt P. Co-

*Valencia.
Vasquez.
Tanner.
Lug.
Ochag.
Pefant.
Suarez.
Fagund.
Conink.
Ledejma.*

P. Coninck, & Petrus de Ledesma, quos omnes ibide m retuli: ergo protestas est in Ecclesi a, & in Romana Cathedra da mnandi opiniones olim probabiles.

81. Confirmatur secundo. Fuit enim plurium oli m opinio, habenti conscientiam peccati mortalis sufficere contritionem, nec necessariam esse confessionem actualem ad communionem Eucharistiae, etiam habita copia confessarij. Sic enim tenuerunt olim Panormitanus, Ricardus, Adrianus, Ioannes de Medina, & Caietanus apud Sayrum lib. 1. cap. 4. n. 6. quos citavi ibidem n. 106. Et tamen ea opinio amisit probabilitatem ex declaratione Tridentini sess. 13, cap. 7. & canon. 21. Id quidem non solum præcepto novo, sed declaracione antiqui, in ipsa consuetudine, & traditione Ecclesiae contenti; vt patet illis verbis, *Ecclesiastica autem consuetudo declarat, &c.* Potest ergo Ecclesia, atque adeo Romana Cathedra auferre probabilitatem ab opinionibus, quæ olim fuerunt probabiles.

82. Confirmatur tertio. Nam olim fuit probabile (saltem ab extrinseco) obiectum festi Ecclesiastici Conceptionis Deiparæ esse Sanctificationem eius in secundo instanti: atqui per Bullam Alexandri VII. iam ea propositio est improbabilis, & certo falsa, cum opposita ex definitione Alexandri VII. sit certissima; cum declaraverit Pontifex, Ecclesiam celebrare hoc festum de præservatione B. Virginis ab originali in primo instanti reali: potest ergo Romana Cathedra auferre probabilitatem ab opinione olim probabili.

83. Hæ duæ demonstrationes tertia & quarta cum suis confirmatoribus, & multis alijs, continentur, & fusus proponuntur in ea disp. 9. cap. 7. Et deinde cap. 8. eadem assertio rebotatur ex eo, quod cum olim existi-

mata fuerit probabilis opinio de absolutione Sacramentali in absentia, nam eam propugnabant viginti Autores apud P. Suarez tom. 4. in 3. part. disp. 19. sect. 3. n. 2. Clemens VIII. absulit ab illa probabilitatem, declarans illam esse falsam, temerariam, & scandalosam. Circa quam damnationem multa ibidem adnotavi, & in cap. seq. Præterea in quinque capitibus sequentibus à 10. usque ad 15. multa alia argumēta proposui pro evidētia eiusdē assertionis. Et in alijs quinque sequentibus à 15. usque ad 19. argumenta partis oppositæ non solum dissolvuntur, sed etiam impugnantur, & convincuntur: quæ omnia huc afferre, prolixum esset.

CAP V T III.

An hoc decretum prodierit immediate ab Innocentio XI?

SUMMARIVM.

Proponuntur tres questiones tractandæ. n. 84.

Quantum decepti sint, qui putarunt, decretum de celebratione Missarum non prodijisse immediate ab Urbano VIII. sed à Sacra Congregatione? n. 85.

Convincitur ea deceptio. n. 86.

Hoc decretum damnatorum earum propositionum prodijt immediate ab Innocentio XI. n. 87.

Prohibitio sub pena excommunicationis convincit, prodijisse decretum à Romano Pontifice. n. 88.

84. **V**t omnimoda certitudine constet, hoc decretum damnans eas sexaginta quinque propositiones esse regulam infallibilem in materia morum, necesse est, inquirere

Panorm.
Richard.
Adrian.
Ioan. Me-
dina.
Caiet.

Alex. 7.